

同治辛未增修

分宜縣志

太常書院藏板

增修分宜縣志序

邑之有志猶

國之有史也其疆域之廣狹戶口之多寡物產之饒瘠風俗之異同皆非志不傳而且先正典型名山著作紀之可為後學津梁興文教而振綱常於是乎在粵

分宜縣志

卷首  
序

稽周禮地官有外史氏掌四方之志彙而獻諸王廷以備史官採輯良法美意自古為昭然則縣志之修所關詎淺鮮哉分邑舊為宜春之地山川清淑代毓英竒於漢則有陳重於唐則有盧肇文物彬彬已可概見自宋

置邑以後至南渡嘉之間邑令  
謝君謀作縣志不果嗣後黃尉  
乃成之續是編者復有鈴岡新  
志則元代趙君所纂也明萬曆  
間周君踵事增新重加攷訂我  
朝車書一統文教誕敷屢奉

綸音飭修省志故此間之志已於康

分宜縣志

卷首  
序

熙癸亥乾隆丁酉及道光己酉  
迭次重修顧自今計之又閱念  
餘年矣歲久版多散佚加以職  
官選舉人物藝文諸類多所增  
益倘不及時纂修勢必久而就  
湮其何以信今而傳後耶同治  
庚午春 撫憲劉檄飭各縣重


修志乘前宰李君直齋諷吉開  
局延邑中名儒碩彥秉公商確  
共襄其事未幾李君因公調省  
余捧檄來茲局中諸君子繕本  
請校因接而誦之見其分門別  
類悉遵 撫憲頒之新章統之  
以十卷內分五十四條朗若列

眉瞭如指掌且喜其紀事從實  
不尚虛浮從茲攷獻徵文毫無  
疑竇可副

聖朝輜軒之採不且與歷代之良史  
並稱乎哉 余自愧才識迂疏難  
効芻蕘之一得而情殷蕝事快  
覩其成叨被餘光曷勝榮幸謹

綴數語弁諸簡端以志忻抃之  
意云  
峇

同治十年歲次辛未仲春月吉  
日知縣事楚黃夏琮鼎謹撰



原序

郡縣之圖志何爲而作也國有賢守令猶家有賢子孫守令保圖志以治分地子孫保關券以治分業能治其所有卽爲賢矣因田野之有定界也而考其有汙萊者乎因戶口之有定數也而考其有流亡者乎因賦役之有定制也考其在公者有湮沒乎在私者有暴橫乎因土習之有舊俗也考其有可匡直而振德者乎有可濯磨而作新者乎治之而無倦則田野可闢戶口可增賦役可均風化可以日美人材可以日盛矣然則圖志可一日而闕乎分宜有縣起宋雍

分宜縣志

卷之首

原序

一

熙至南渡嘉定間謝令謀作縣志尋復不果淳祐黃尉始克成之渾一以來更六十有七載浚義趙侯尚之爲尹百廢具舉乃作鈐岡新志以續前編書成適予叙族至邑南之防里侯以予於是邦實多桑梓之誼以序見屬辭不獲則願以昔人治官如家之責告夫求芻於吾邑者庶知前人作圖志之意非徒以廣紀載備考訂而已將以爲勤政之一大助也推本作者之意黽勉述者之事吾邑吾民其多幸矣乎大元翰林學士承旨光祿大夫知制誥兼修國史歐陽元

譔

原序

分宜舊無縣而何有縣志自宋分宜春據上游而當水陸孔道因制爲縣是爲分宜則縣始有志在宋紀宋在元紀元迨我國初第又不過紀往跡耳而歷世久遠業已皆化爲烏有雖地不改闢所稱文獻者無徵矣余不佞以庚辰之役受命來茲而適當一時殘闕之餘方日夜自維蓋謂風俗淳漓非志不傳人物代謝非志不永乃前者旣邈後者莫續有司之過也何敢讓焉於是竊不自料其狂瞽網羅里巷放失舊聞勒爲六卷綱六目凡四十有五亦欲以究相沿之

分宜縣志

卷之首

原序

二

故通古今之變顧睹記多遺僅存什一草創罕次未叶篇章六載於茲而功乃竟儻所云史之難無過於志詳哉其言矣若乃修廢舉墜用鑒前車核實稽名期臨后土則余不佞所以上畏國是下懼民非持公正而發憤者也卽獲罪於衆能家置喙乎昔子雲好事常懷鉛提槧從諸計吏採四方之語以爲裨補今雖不敢竊比古人後之君子儻能做彼遺意嗣我斷簡則是編所載亦鉛槧已夫明萬歷丙戌季秋九日賜同進士出身文林郎知分宜縣浙鄞周應治譔

原序

粵稽三代之世設職方官掌天下地志不必身歷而邦國都鄙山川形勢與夫貢賦物產班班可按籍考也故漢高祖入咸陽蕭侯首取丞相府圖籍藏之誠識天下樞要功爲第一則郡縣地志一書所關甚重誠非渺小辛酉秋余奉

命來宰分邑甫下車見城郭蒼涼田多青草扼腕久之及詢邑志僉曰明之萬曆丙戌周公修之迄今九十餘年經鼎革兵燹後舊板散失沒傳云余以仕初鞅掌未暇纂輯越次年壬戌適滇黔底定

分宜縣志

卷之首

原序

三

朝廷大一統之盛

命儒臣纂修會典廣徵天下郡縣志誠一時盛事余因而喜曰志者記也一邑大事無不從而記之是天下大經大法大名義大公道所自出也其可使之泯泯不修乎爰搜舊志採舊聞延邑之貢士文學就館互相考訂訛者正而遺者補繁者刪而新者續邑以內山川地勢之勝賦稅戶口之繁風俗人才之盛學校壇場之舊人焉忠孝節義之著士焉文學德行之高與夫名宦政蹟題詠詩文靡不分門類聚登載無遺自是可爲一邑之信史矣遂捐俸選材付之梓人書成釐

爲十卷以副

上憲徵考以永其傳是書之集豈僅資一時之檢閱  
已哉蓋欲後之生於斯者覽之知某也忠某也孝某  
也節義思以景仰之官於斯者覽之知某也循某也  
良某也政教思以景行之士農工賈之居於斯者覽  
之知某人文行之高某人出處之正各思務其業而  
勵其行以承先哲之聲光於不朽享太平之盛治於  
無窮也是志之關於治化也大爰書以俟後之執筆  
者

康熙癸亥臈月文林郎知分宜縣事南海蔡文鸞撰

分宜縣志

卷之首

原序

四

原序

郡邑之有志所以紀實也周禮小史掌邦國之志今雷封百里實爲古諸侯之國山川之險要物產之瘠饒風俗之貞淫奢儉將使爲政者一展卷而瞭如指掌立其教不易其俗齊其政不易其宜則志之所關於治具者匪淺鮮也分邑舊爲宜春之地山高水駛控據上游宋以前見諸載籍如陳重之有聲於漢盧肇之表著於唐皆爲邑產文物彬雅之盛已概見於斯矣邑志自康熙二十二年草創一修略具大觀未極詳備自癸亥距今又及百載我

分宜縣志

卷之首

原序

五

國家重熙累洽久道化成生齒日繁科條具舉上之人所以興利除害之道下之人所以沐日浴月之功尤不可聽其抱殘守闕規規於前此之簡帙已也玠自嶺徼承乏是邦六載之間簿書碌碌惟修學一事幸賴衆力劬勩久肅瞻仰茲邑人士復以志乘爲百年闕典議請修輯余竊喜衆志之交孚而費用之不患於無所出亟爲據呈轉詳報可諏吉開局與邑之老成名宿秉公商確總司分理收集衆長博採旁搜訂訛糾謬如天文城池田賦陂塘學校選舉之屬雖略爲變通而義歸簡約惟於山則因枝以尋幹於水則

沿流以溯源縷晰條分竊仿禹貢導山導水之遺意  
至若都圖之設與賦役相表裏或一姓而兼數甲或  
一甲而兼數姓務使畛域分明而後先有期不至於  
混淆此數者視舊志特詳而體裁亦別分門十六列  
卷二十所謂因事而紀實者庶無乖於徵文考獻之  
初志矣自秋徂冬四閱月而工竣方欲謀諸剗劂而  
余遽以夙疾告退一簣功虧尚冀後之君子益加潤  
色匡予不逮俾是書之成可以備一邑之掌故信於  
今而傳於後也是則予之厚幸也夫

時

分宜縣志

卷之首

原序

六

乾隆四十一年丙申歲臈月知縣事吳川林邦琬撰

原序

分宜自宜春分域後常爲壯縣以屬於袁郡其山川之明秀戶口之繁庶人文之蒸蔚積而日盛歎其志乘則自

國朝康熙癸亥後閱今九十餘年未有起而續修之者邑之人無所寄其勸懲官茲土者無所資其考鏡余忝竊郡寄屢以是望諸長吏顧促促或未暇也既六載宰是邑者爲粵東林君邦琬始以修志爲請余喜林君之知大體則急爲請於

憲府而行之未幾余奉檄署饒九南道事而林君亦

分宜縣志

卷之首

原序

七

引疾以去余悵然疑前所請修志事將不克終矣及余以乾隆丁酉秋還袁陽時代林君者爲潮陽黃君謁見後出新志二十卷聃余曰是固林君所經始草創而黽勉繼之以底於成者也願得一言以弁諸簡端余受而終卷刊訛訂謬視舊志加精而所缺於九十餘年之記載則莫不眉列掌指大之足以垂法戒小之猶足以裨風教備觀覽焉信乎邑志之善本矣余於是益喜黃君之能濟厥美也蓋仕宦之以其官守爲傳舍者有矣苟其無關於考課之殿最則筍束塵封莫肯發視幸而有通達治體者出其間旣已知

所當務矣而宦轍不常往往事未半而瓜期已及後來者其視前政之爲漠如也如是則雖有良法美意求其功之及於民也鮮矣誠使爲政者皆不廢輟其前功如農之相代以終厥畝其所裨助於治化豈小哉今新志之作林君不以爲不急而謀之於始黃君不以爲前政而成之於終然後邦典之缺略者一且犁然具備則由是心而推廣之凡

聖天子所以化民成俗垂諸令甲者惟視其職所得爲一不以物我爲間吾知黃君他日所以廣其政於郡國行其政於四方者胥自此一隅之志始也區區職方

分宜縣志

卷之首

原序

八

之體例云爾哉余故樂書之且爲長民者勸

賜進士出身中憲大夫知袁州府事加三級李允性撰

原序

今

聖朝重熙累洽寰宇享承平之福垂百餘年凡隸版圖戶口日以殷繁人文日以炳蔚吏治則大法小廉民風則愿樸秀良慮無不涵濡雅化協應乎郅隆於時輶軒四出所過都邑健羨爲美不勝收斯何如之慶幸也歟分宜自宋置縣提封雖不甚廣而山水清澈昔人至擬之畫屏麗茲土者鉅細精粗更僕難數要於志焉班班可攷矣粵稽舊乘明以前掌故闕如比得嘉靖志遞相祖述厥後踵事增新爰有成書由康熙

分宜縣志

卷之首

原序

九

癸亥迄今閱歲九十有奇前宰吳川林君久任餘暇銳意修輯此邦碩彥協力以効劬勩稿甫脫林君遽以疾去綱奉檄承乏旣莅事都人士繕本彙函請加校訂授梓予惟識陋才疎無能爲役然會逢其適聿觀盛典之成亦竊所忻慕焉披閱再四見其綱目釐然次第井然統門十六析卷二十炳炳朗朗皆有可觀以斯知其允克信今而傳後也夫令長最號親民職所專司不越政教兩端是書纂列如田賦都厝營建秩官等類足以紀政而若學校若選舉若人物列女諸傳足以垂教二者兼修卽古循良之明效大驗

其蔑有加矣林君之哀斯編也集思廣益不朽之功  
將於是乎在綱 忝附驥尾縱無解於碌碌因人之誚  
而情殷葺事或庶幾與分末光耳後有作者考獻徵  
文取全帙而揮擢之使鈐陽百里間紀載明備爲輶  
軒之採所不遺是則予之厚望也夫

乾隆四十二年歲在丁酉孟秋之月知縣事澄海黃

維綱譔

分宜縣志

卷之首

原序

十

原序

余宦遊北渡黃河歷齊魯燕趙南則之楚之粵之黔之滇足跡半天下見夫山川之秀麗人物之殷繁凡廣輿所紀靡不遊目騁懷以爲極天下之大觀矣今歲奉

命守宜陽又得見匡廬之奇秀彭蠡之瑰雄始知地靈人傑物華天寶子安滕王閣一序非鋪張揚厲蓋西江之盛蔑有加已昔韓退之刺袁州其謝表有云民安吏循閭里無事以今觀之袁之士夫秀而文細民愿而樸涵濡

分宜縣志

卷之首

原序

十一

國家深仁厚澤又幾二百年蒸蒸日上豈惟不異於古所云耶郡之支邑有分宜宋雍熙初析宜春之東境爲縣前此猶附郭也荆北龔君來權斯邑兢兢然蘄至於古循良之治不半載而百廢具舉適奉檄修省志一郡一邑先爲編輯龔君於案牘之外兼理鉛槧自夏徂秋甫三月而邑志告成值余于役會垣郵寄請序余觀其書元元本本上而天文下而地理中而風土人物舉一邑之事巨纖悉備若網之在綱驂之從靳蒞史枕經擇言必雅知其平日之蘊釀者深矣余旣於其書悉其地之樸淳近古更以知龔君之敏

於治而其於揅觚也精詳不苟如此將與黼黻

皇猷上昌黎慶雲之表於茲基之豈獨邑乘之明備已哉

爰綴數言弁諸簡端以爲嚆矢云

道光二年歲在壬午季秋之下澣知袁州府事桐鄉

鄭心一譔

重修分宜縣志序

志者史之一體也今自郡縣以迄省志則具全史之體太史天官蘭臺地理作志者罔不權輿於斯而機祥占候寓於天文沿革山川具於地志又因之析類而標名焉若夫志水利卽史之河渠也志田賦卽史之食貨也志秩官志祥異卽史之官氏靈徵也其他爲封爵爲人物則通乎史之表爲名宦爲列女爲方伎則兼乎史之傳故曰志者史之一體今自郡縣以迄省志則具全史之體者此也我

國家文教誕敷遠洽垓埏雍正九年奉

分宜縣志

卷之首

原序

十三

旨飭修省志一時郡縣之志自康熙癸亥及乾隆丁酉兩次重修迄今又五十年矣歲久版多漫滅魯魚亥豕之訛校書者如掃敗葉加以田賦選舉人物藝文諸類多所增益倘不及時纂修久而就湮是亦官斯土者之咎也歲之季春予承乏斯邑適奉檄修省府縣志因與學博王惺府梅閻齋兩先生及邑中諸文士網羅放軼舊聞互相考訂訛者正而遺者補繁者刪而新者增操觚者雖盛暑不輟三閱月而告成自是觀乎天文而列宿煥於上觀乎人文而同風驗於下俾生於斯者睹人物之忠孝節義思有以仰其前徽

官於斯者知名宦之慈惠循良思有以繼其芳躅亦  
考鑑得失之林豈徒備參稽而已哉夫史所以昭垂  
百世而志所以備一代之文物典章事增文省則如  
宋子京之唐書鬱而不明累牘連篇又如裴松之之  
補注繁而鮮當江淹言修史之難莫難於志意在斯  
乎意在斯乎茲聊因書成而爲之序云道光二年歲  
次壬午重九日知縣事荆北龔笙撰

分宜縣志

卷之首

原序

十四

原序

嘗讀周禮地官有外史氏掌四方之志凡邦國之紀載皆得獻於王以備史官之採擇上以昭宵旰之勤勞廟堂之功德下以覘民情之淳漓風土之異同所係甚重也後世志書之修蓋昉於此分邑縣志入

國朝凡三修康熙癸亥乾隆丁酉及道光壬午是也壬午距今止二十六載歷年未久故實無多戊申仲秋撫憲擬修省志檄飭各縣先爲編輯並頒章程格式前署令李君和軒遵奉設局迺延邑中耆儒名彥慎襄厥事稿甫脫李君旋移篆彭澤是年冬余捧檄斯

分宜縣志

卷之首

原序

十五

邦蒞任後局中首事繕本彙函請加校訂付梓余自愧識陋才疎不能展三長以効一得但幸會逢其適竊爲忻慕者久之繙閱再四綱舉目張首之以輿圖次之以星躔疆域次之以學校田賦次之以兵衛關津次之以名宦人物又次之以節烈藝文雜記區爲三十二卷闕者補之訛者正之續增者釐定之元元本本炳炳麟麟信乎邑志之善本矣是舉也大則足以垂法戒小亦足以裨風教法良意美罔不兼綜誠可以資省志之選錄答 撫憲之徵求矣行見

聖治光華用昭緯地經天之畧典章明備實寓省方問俗

之思不且與周禮地官外史氏並重乎哉余碌碌備  
員幸竣厥事附名簡末榮被餘光謹綴數語以誌不  
朽云

道光二十九年歲次己酉仲夏月吉日知縣高夢麟  
謹撰

分宜縣志

卷之首

原序

十六

分宜縣志凡例

一 舊志始星野終雜記區爲三十二門今遵省局通飭志例分十門爲目五十有四各以類從有條不紊

一 志紀地理先星野謂地統於天也星野後次疆域疆域正而郡縣隸故有沿革山川爲固國之險以形勝附焉水利乃民田所賴津梁亦利濟攸關古蹟尤論世考鏡之資至於風俗物產皆採訪所不遺此志地理者必次第及之

一 志立建置先城池次壇廟次公廨次寺觀歷經改建修葺俱分別依類編載如試院育嬰堂養濟院漏澤

分宜縣志

卷首

凡例

一

園亦附于後

一 志先食貨爲厚生利用之本也凡戶口之滋生田賦之科則倉儲之穀石以及漕運驛鹽關權皆有案可稽查核編明迭蒙

聖恩蠲緩錢糧藏富於民謹詳考備書

一 志隆學校視他營建尤大分邑立學以來迭次遷徙改建修葺增置之出逐條分別立綱從目併詳學基學田坐落界址而以書院社學附焉其廩增生員定額文武入學名數及加廣學額亦考明登載

一 志詳武備分宜隸府東隅設有防守營員近屬本郡

協鎮遠轄贛州鎮凡額設營制營汛營兵營餉悉從舊志核編按宋施宿會稽志有討賊平亂二篇故武事亦未可從略云

一志表職官遵照舊式凡文武職官皆紀籍貫出身洳任年月或有遺漏可據者補之無考者仍之新者則分增之歷有政績可稽者列爲名宦以垂不朽

一志重選舉照舊志列薦辟進士鄉舉以及廩增附貢而武科亦與焉至不由科目而顯達者編爲仕籍封蔭以雜途附

一志載人物原以注前人事蹟備後人考核此次遵照

## 分宜縣志

### 卷首

凡例

二

志例分十二目所增人物亦必考其實事察諸鄉評  
方行登載

一志採藝文謹遵四庫書目之例分經史子集各部分宜自宋以後名家著作年久多佚不傳茲備載書名卷帙及著述朝代爵里姓氏于冊如舊志已載詩文無所附麗者錄爲文徵碑碣鐘鼎亦撮錄附編

一志有雜類或記仙釋或考塋墓或載祥異或述軼事擇其見聞確實者亦足以資博覽

一舊志未便刪改近事應載者分門增入是書開局于庚午孟夏告成于辛未季春諸君子勸勦之力居多

後有作者尙期匡所不逮焉

分宜縣志

卷首

凡例

三

分宜縣志目錄

卷首

序文 原序 凡例 目錄 姓氏 繪圖

卷一

地理 星野 疆域 沿革 山川形勝 附 水利

卷二

建置 城池 壇廟 公廨 試院 附 漏澤園

卷三

食貨 戶口 田賦 附 額征 蠲緩 雜課

卷四

學校 學宮 社學 附 學額 學田

分宜縣志

卷首 目錄

卷五

武備 兵制 武事

卷六

職官 文職 武職 名宦 封爵 附

卷七

選舉 薦辟 附 進士 鄉舉

卷八

人物 名臣 宦業 理學 儒林 文苑 忠義

卷九

孝友 善士 隱逸 方伎 列女 寓賢

藝文  
經部  
史部  
子部  
集部

卷十

雜類  
仙釋  
瑩墓  
祥異  
軼事

分宜縣志

卷首  
目錄

一一

重修分宜縣志姓氏

總纂

分宜縣知縣

李寅清

江蘇人

分宜縣知縣

夏琮鼎

湖北廣濟人

纂修

道銜湖南補用知府舉人

嚴升偉

知府銜前山東壽光縣知縣舉人

彭啟昆

前直隸豐潤縣知縣進士

易炳晃

協修

舉人揀選知縣

黃 洵

分宜縣志

卷首

姓氏

一

舉人揀選知縣

鄧思謙

舉人揀選知縣

習承恩

舉人揀選知縣

彭慶齡

舉人候選知縣

袁 榮

舉人候選知縣

吳大魁

恩貢保舉候選教諭

嚴為良

副貢候選州判

袁士彥

副貢候選州判

袁大純

副貢候選州判

張炳燮

歲貢候選訓導

林守綱

歲貢候選訓導

黃蘊春

歲貢候選訓導

鍾士崇

歲貢候選訓導

朱紳

中書銜附貢生

胡思洵

邑廩生

易廷楷

附貢生

歐陽麟

邑附生

林起瑞

邑附生

習祥槐

邑附生

張文彬

分宜縣志

卷首  
姓氏

二

邑附生

李宜溥

例貢生

張伯煜

邑廩生

黃維濬




分宜縣志

卷之首

繪圖

輿坤圖





分宜縣志

卷首

縣城圖

三


縣城圖


分宜縣志

卷首

縣城圖

四





分宜縣志

卷首

縣署圖

五

縣署圖




分宜縣志

卷首

縣署圖

六




分宜縣志

卷首

學宮圖

七

學宮圖



考棚圖


分宜縣志

卷之首

考棚圖

九






分宜縣志

卷之首

考棚圖

十



分宜縣志

卷首

忠懿公祠圖

十一


黃爽題忠懿公祠圖

分宜縣志

卷首

忠懿公祠圖

十二




今陽齋院圖

分宜縣志

卷之首

繪圖

十三





分宜縣志

卷之首

繪圖

十四






分宜縣志

卷之首

繪圖

十五

龍  
標  
書  
院  
圖



分宜縣志

卷之首

繪圖



分宜縣志

卷之首

繪圖

十七

分宜縣圖

分宜縣書院





分宜縣志

卷首

鈴山圖

十九

鈴

山

圖

分宜縣志

卷首

鈐山圖

二十



昌  
峽  
圖

分宜縣志

卷首

昌峽圖

二十一






鐘  
峽  
圖

分宜縣志

卷之首

鐘峽圖

二十三








分宜縣志

卷首

洪陽洞圖

二十五

洪陽洞



分宜縣志

卷首

洪陽洞圖

二十六

洪陽洞



分宜縣志

卷首

洪陽洞圖

二十七

洪陽洞



分宜縣志

卷首

洪陽洞圖

二十八

洪陽洞



分宜縣志

卷首

洪陽洞圖

二十九

五  
洞



分宜縣志

卷首

洪陽洞圖

三十

東  
卯  
洞

東七洞

分宜縣志

卷首

洪陽洞圖

三十一



東  
八  
洞

分宜縣志

卷首

洪陽洞圖

三十二





分宜縣志

卷首

洪陽洞圖

三十三

東  
九  
洞


東  
十  
洞

分宜縣志

卷首

洪陽洞圖

三十四





分宜縣志

卷首

洪陽洞圖

三十五

西卯洞



西七洞




分宜縣志

卷首

洪陽洞圖

三十七

鹵  
八  
洞




分宜縣志

卷首

洪陽洞圖

三十八

西  
九  
洞



分宜縣志

卷首

洪陽洞圖

三十九

西  
十  
洞



分宜縣志

卷首

洪陽洞圖

四十

洪陽洞



分宜縣志

卷首

洪陽洞圖

四十一

西十武洞

桃源洞圖

分宜縣志

卷首

桃源洞圖

四十二



分宜縣志

卷首

桃源洞圖

四十三





分宜縣志

卷之首

繪圖

四十四

蔣星湖圖

分宜縣志

卷之首

繪圖

四十五

